



KEMENTERIAN KESIHATAN MALAYSIA

## **KENYATAAN MEDIA KEMENTERIAN KESIHATAN MALAYSIA**

### **SITUASI SEMASA DEMAM DENGGI DI MALAYSIA MINGGU EPIDEMIOLOGI 35 (25 OGOS 2024 – 31 OGOS 2024)**

---

Pada Minggu Epidemiologi ke-35 tahun 2024, jumlah kes demam denggi yang dilaporkan adalah sebanyak 1,765 kes berbanding 1,980 kes pada minggu sebelumnya. Terdapat empat (4) kematian akibat komplikasi demam denggi dilaporkan pada Minggu Epidemiologi ke-35 tahun 2024.

Kumulatif kes demam denggi yang dilaporkan sehingga Minggu Epidemiologi ke-35 adalah sebanyak 96,572 kes berbanding 80,201 kes bagi tempoh sama tahun 2023. Manakala terdapat 88 kematian akibat komplikasi demam denggi telah dilaporkan berbanding 57 kematian bagi tempoh yang sama pada tahun 2023.


Bilangan lokaliti hotspot yang dilaporkan pada Minggu Epidemiologi ke-35 adalah sebanyak 64 lokaliti berbanding 85 lokaliti hotspot pada minggu sebelumnya. Dari 64 lokaliti yang dilaporkan, 45 lokaliti di Selangor, tujuh (7) lokaliti di WPKL & Putrajaya, tiga (3) lokaliti di Negeri Sembilan, tiga (3) lokaliti di Kelantan, tiga (3) lokaliti di Perak, satu (1) lokaliti di Kedah, satu (1) lokaliti di Sabah dan satu (1) lokaliti di Sarawak.

Bagi surveilans chikungunya, terdapat dua (2) kes direkodkan pada Minggu Epidemiologi ke-35. Jumlah kumulatif kes chikungunya sehingga kini adalah 70 kes. Tiada wabak Chikungunya dilaporkan pada Minggu Epidemiologi ke-35. Bagi surveilans zika, sebanyak 1,834 sampel darah, lapan (8) sampel urin dan tiga (3) sampel cecair serebrospinal telah dijalankan saringan zika dan keputusan adalah negatif.

Risiko penyebaran demam denggi akan meningkat terutama semasa cuti sekolah dan juga semasa cuti umum disebabkan oleh pergerakan orang ramai. Oleh itu semasa cuti penggal ke-2 persekolahan yang akan datang Kementerian Kesihatan Malaysia ingin mengingatkan masyarakat termasuk pihak sekolah dan kontraktor yang dilantik agar sentiasa memastikan tiada bekas-bekas yang boleh menampung air di persekitaran premis yang berpotensi menjadi tempat pembiakan nyamuk *Aedes* sebelum bercuti. Rancanglah perjalanan anda dengan mengambil langkah-langkah sewajarnya bagi mengurangkan risiko jangkitan demam denggi. Informasi berkaitan penyakit demam denggi serta lokasi wabak dan hotspots boleh dilayari melalui laman sesawang iDengue (<https://idengue.mysa.gov.my/>).

**Tiada *Aedes*, tiada denggi, chikungunya dan zika.**


**DATUK DR. MUHAMMAD RADZI BIN ABU HASSAN  
KETUA PENGARAH KESIHATAN  
8 SEPTEMBER 2024**




Gambarajah 1: Perbandingan kes dan kematian demam denggi Minggu Epidemiologi ke-35 & ke-34 tahun 2024



Gambarajah 2: Perbandingan kes dan kematian demam denggi sehingga Minggu Epidemiologi ke-35 tahun 2024 dan tempoh sama tahun 2023



**Gambarajah 3: Perbandingan tren kes mingguan demam denggi Malaysia tahun 2024 (sehingga Minggu Epidemiologi ke-35), 2023 dan median 2019-2023**



**Gambarajah 4: Jumlah lokaliti hotspot denggi Minggu Epidemiologi ke-35 tahun 2024**